

أحاسيس صامتة

حبيبي وانت معايا وبين إيديه ومقرب عليا
يخدعني صوتي وملقيش كلام
ومعرفش أعبر غير بالأهات.
مقدرش أقولك هاسيب قلبك يدملك
إن في صمت أقوى من الكلام
وفيه كلام كتير . لكنه أشبه بالسكات.
حبيبي حرام عليك . دي نظرات عينك
سهام وصابتني
نزفت مشاعري وبرده عينك ماسابتني
ناستني إسمي . حاولت أقرب
خذلني جسمي . وهزمني الثبات.
حبيبي وحدك . مافي حد بعدك . بتمنى قربك .
أهيم في عينك وأسرح في حُبك
وألمس إيديك . أطير معاك
في دنيا تانيه . فيها إلی جای وراح إلی فات.
قلت لنفسی صمتی قتلنی . هيضيعك مني .

إشترتك كتب حب و غرام، أقولها لصورتك قبل ما أنام
لكن يا بختك بصيت لصورتك و قلت إسمك .
بسرعة وفجأة. طار الكلام .
مقدرش أدارى دى عينيها دارى
وحبيبتى هيه أجمل صبيه . رقيقة وبهية
ومليت عنيه . وياريت ترضى بيا
دى هيه عندى بكل البنات.
يشوفها قلبى يقول دى حبي . جريت فى دمي
وخيالها وحده جذبه و شده . جريت مشاعره
رفرفت جوانبه . زادت الدقات.
دى الثوانى فى إنتظارك أتقل من الجبال
ولو عقلى قال لنفسى يلا نمشى
يرد قلبى أبدا مُحال
دى السنين فى قُربه تفوت ساعات.
أسهر فى ليلي تناجينى.
أناجيك
بروحى أفديك . ولو تنادينى
أنا أجيك .
ولو غرقت فى بحر حبي
أبدأ ما أناجيك.

مين غيرى يموت عشان يحميك .
ده كتير من الشعرا جريوا وبسرعة .
يتمنوا صورہ منك
يستلهموا وحيهم . لكتابه الأبيات .
وكتير من الرسام تعبوا معك كلام
بعد ماشافوا قدك
والحسن إالى فى خدك قالو مين قدك
وكلهم يتمنوا شرف رسمك .
دافنشى مين وموناليزت مين دا انت أروع اللوحات .
وكتير من الكتاب جم لحد الباب وظلوا على الأعتاب
عارفين إن سطر واحد منك . فى قصه الأحباب
يخشوا بيه سباقات
ولو مكذبنى . صدق الأنات
ولو فضلت عمرى كله أحبك وصمتى يغلب الكلمات
كفايه عليا طيفك أشوفه قبل الممات
ولو مش فاضل فى قلبى غير نبضه واحده
هنطق فيها بإسمك . وأقول بحبك .
ثم السُّكَّات